



Kalapana

Ke Keiki Ho'opāpā o Puna

Puke 3




Ho'opuka 'ia e Ke Ke'ena Kaiapuni
Kaha 'ia nā ki'i e Dukie Akioka




Iā Kalapana e holo aku ana i Kaua'i, 'ike akula 'o ia i kekahi wa'a e ho'i mai ana i ka holoholo. He 'auwa'a lawai'a kēia o ka pō. 'O ka noho 'ana a wana'o ho'i.

'Ike maila ka 'elemakule e noho ana ma ka ihu o ka wa'a i ko Kalapana wa'a 'u'uku a ho'ōho a'ela, "Ā-ū, he wahi wa'a 'u'uku lā!"




A pane koke akula 'o Kalapana i ka 'elemakule,
"Ā-ū, he wa'a nui lā!"

Pū'iwa nō ho'i lāua i ka lohe 'ana aku i ka leo keiki.
Hoe mau nā 'elemākule a kokoke i ka wa'a 'u'uku a 'ike
maila lāua i wahi keiki 'u'uku wale nō ko luna o ka wa'a.




I ka pane hou 'ana a ke keiki, no'ono'o iholā nā 'elemākule he wahi keiki ho'opāpā kēia. Ha'oha'ona'e lāua i ka 'ike a Kalapana no ka mea, 'a'ole ka ho'opāpā he hana ma'amau a ke keiki. Ho'olana lāua i ko lāua wa'a a ho'ohali 'ōlelo hou maila.



" He wahi keiki ho'opāpā paha lā?"


"He mau 'elemākule ho'opāpā paha lā?" i pane aku ai ke keiki. No kēia pane a Kalapana, ho'omaopopo loa lāua he wahi keiki ho'opāpā 'i'o kēia.



Pane maila kekahi 'elemakule, " 'Ae, He wahi keiki ho'opāpā 'i'o kēlā. E holo ana lā i hea?"

A laila, nīnau maila kekahi 'elemakule, "E holo ana i hea ka wa'a o ke keiki?" Pane akula keiki, "E holo ana i hea ka wa'a o nā 'elemākule?"

No kēia pane a keiki, ua koho ihola lāua, e holo ana paha 'o ia i Kaua'i e ho'opāpā ai me Kalaniali'iloa, ke ali'i ho'opāpā o Kaua'i a nīnau aku, "E ke keiki, e holo ana kou wa'a i Kaua'i?"




"E holo ana wau i Kaua'i," wahi a ke keiki.

"Kā-ū!" i ho'ōho ai nā 'elemākule.


" 'Ae. E ho'opāpā au me nā loea ho'opāpa o Kaua'i, no ka mea, i make ku'u makuakāne iā lākou, kauoha iho 'o ia i ku'u makuahine, na'u e ki'i aku i nā iwi ona. No laila, ke holo nei au."

Pane akula kekahi 'elemakule, "Ola ko'u mau lā hāpauea inā na'u kēlā wahi keiki."




No ke kokoke loa e ao, ua pau ka pā 'ana o ke Kēhau, a i ka ho'opuka 'ana a'e a ka lā, 'ō a'e ho'i ke keiki i ka pe'a ona a kau, a laila, na ka makani ka hana.

Hala'o Hālākua, kau ka ihu o ka wa'a no Maui. I ka hele 'ana a welawela ka lā, hiki akula i kahi o nā kānaka e he'e nalu ana. Nīnau aku 'o Kalapana, " 'O wai ka inoa o kēia wahi?"



" 'O Maui ka moku. 'O Lāhainā ke awa."
Kāhea aku kekahi, "E pae, a 'apōpō holo."
" 'A'ole au e pae. E holo nō au. 'O ke aloha nō."
Noke mau 'o Kalapana i ka holo 'ana i Kaula'i. I ka
ha'alele 'ana iā Lāhainā, 'ike akula 'oe i nā moku
'elua, iā Moloka'i lāua 'o Lāna'i.



I ka hala 'ana o ka lae 'o Ka'ena ma ke komohana o ka moku 'o O'ahu, mā'ama'ama loa a 'ike aku kēia i ke oni mai o kēia pu'u, 'o Wai'ale'ale ia, ke kuahiwi kaulana o Kaua'i. E kauanā ka ihu o ka wa'a ona i Kaua'i.

Eia kekahi paha a Kalapana e ho'opāpā ai
me nā 'elemākule no kona 'āina:

"He 'ala, he 'āina 'ala 'o Puna
'O Puna Paia 'Ala I Ka Hala
He 'ala 'oko'a ko ka maile o Pana'ewa
Pā 'ia mai e ke Kēhau
Honi nō ke keiki o Puna i ke 'ala
'A'ala ai nō 'o Puna lā."

Inā 'oe hoihoi i nā mokuna 'ē a'e no Kalapana, e e'e ma
www.huiheluhelu.weebly.com